



Broj: 06-1-07-1-50/19  
Sarajevo, 08.02.2019. godine

Na osnovu člana 2.9 stav (1) tačka 9, a u vezi sa članom 10.15 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), te člana 21. stav (3) tačka c) i člana 34. Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 38/14, 90/16, 8/17 i 91/18) Centralna izborna komisija Bosne i Hercegovine je na 14. sjednici, održanoj 08.02.2019. godine, donijela

## ODLUKU

### o utvrđivanju rezultata posrednih izbora i dodjeli mandata delegatima u Domu naroda Parlamenta Federacije Bosne i Hercegovine iz Bosansko-podrinjskog kantona Goražde

(1) Centralna izborna komisija Bosne i Hercegovine utvrđuje rezultate posrednih izbora za Dom naroda Parlamenta Federacije Bosne i Hercegovine iz Bosansko-podrinjskog kantona Goražde, kako slijedi:

**a) Kandidatske liste iz reda bošnjačkog naroda:**

1. Kandidatska lista predlagača Drljo Hajdara dobila je **0 glasova – nije osvojila mandat**,
2. Kandidatska lista predlagača Imamović Ernesta dobila je **0 glasova – nije osvojila mandat**,
3. Kandidatska lista predlagača Delić Ibrahima dobila je **1 glas – nije osvojila mandat**,
4. Kandidatska lista predlagača Bukalo Šefika dobila je **0 glasova – nije osvojila mandat**,
5. Kandidatska lista predlagača Čeljo Senada dobila je **7 glasova – nije osvojila mandat**,
6. Kandidatska lista predlagateljice Velić Edite dobila je **1 glas – nije osvojila mandat**,
7. Kandidatska lista predlagateljice Obuća Aide dobila je **0 glasova – nije osvojila mandat**,
8. Kandidatska lista predlagača Kanlić Muradifa dobila je **0 glasova – nije osvojila mandat**,
9. Kandidatska lista predlagača Liberalne stranke BiH dobila je **0 glasova – nije osvojila mandat**,
10. Kandidatska lista predlagača Musić Nijaza dobila je **8 glasova – 1 mandat**.

**b) Kandidatska lista iz reda hrvatskog naroda:**

1. Kandidacijska lista predlagatelja Fejzić Edima dobila je **1 glas – 1 mandat**.

**c) Kandidatska lista iz reda srpskog naroda:**

1. Kandidatska lista predlagača Liberalne stranke BiH dobila je **2 glasa – 1 mandat**.

(2) Centralna izborna komisija Bosne i Hercegovine dodjeljuje mandate u Domu naroda Parlamenta Federacije Bosne i Hercegovine iz Bosansko-podrinjskog kantona Goražde delegatima:

1. **Musić Nijaz (Bošnjak)**
2. **Fejzić Edim (Hrvat)**
3. **Milović Daliborka (Srpkinja)**

## **O b r a z l o ž e n j e**

Skupština Bosansko-podrinjskog kantona Goražde dostavila je Centralnoj izbornoj komisiji Bosne i Hercegovine, dana 07.02.2019. godine, akt broj: 01-05-78-1/19 od 05.02.2019. godine, te u prilogu akta cjelokupan izborni materijal u vezi sa provedenim posrednim izborima za Dom naroda Parlamenta Federacije Bosne i Hercegovine iz Bosansko-podrinjskog kantona Goražde, i to: Izvještaj o rezultatima glasanja za izbor delegata u Dom naroda Parlamenta Federacije BiH, Zapisnik sa vanredne sjednice Skupštine Bosansko-podrinjskog kantona Goražde sa rezultatom žrijeba o redoslijedu listi na glasačkom listiću, popunjene glasačke listiće za izbor delegata u Dom naroda Parlamenta Federacije BiH i spisak poslanika klubova bošnjačkog, hrvatskog i srpskog naroda, te Kluba Ostalih.

Članom 10.10. Izbornog zakona BiH propisano je da kantonalna zakonodavna tijela biraju 58 delegata u Dom naroda Parlamenta Federacije BiH, 17 iz reda bošnjačkog, 17 iz reda srpskog, 17 iz reda hrvatskog naroda i sedam iz reda ostalih.

Za Dom naroda Parlamenta Federacije BiH iz Bosansko-podrinjskog kantona Goražde, u skladu s članom 21. stav (3) tačka e) Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 38/14, 90/16, 8/17 i 91/18), bira se ukupno **tri (3)** delegata i to jedan (1) iz reda bošnjačkog naroda, jedan (1) iz reda hrvatskog naroda i jedan (1) iz reda srpskog naroda.

Odredbama člana 10.14 Izbornog zakona BiH propisano je da svaki delegat u kantonalnoj skupštini daje jedan glas za listu na kojoj je njegov odgovarajući klub.

U skladu sa članom 10.15 Izbornog zakona BiH, nakon provedenog tajnog glasanja, izborni materijal i rezultati glasanja dostavljaju se Centralnoj izbornoj komisiji BiH za konačnu raspodjelu mjesta. Mandati se raspodjeljuju jedan po jedan po listama ili kandidatu sa najvišim količnicima koji su rezultirali iz formule za proporcionalnu raspodjelu utvrđenu u članu 9.5 Izbornog zakona BiH. Kada lista dobije mandat, mandat se raspoređuje s vrha liste.

Uvidom u dostavljeni materijal o provedenim posrednim izborima za Dom naroda Parlamenta FBiH iz Bosansko-podrinjskog kantona Goražde, utvrđeni su sljedeći rezultati:

### **Kandidatske liste iz reda bošnjačkog naroda:**

1. Kandidatska lista predlagača Drljo Hajdara dobila je **0 glasova**,
2. Kandidatska lista predlagača Imamović Ernesta dobila je **0 glasova**,
3. Kandidatska lista predlagača Delić Ibrahima dobila je **1 glas**,
4. Kandidatska lista predlagača Bukalo Šefika dobila je **0 glasova**,
5. Kandidatska lista predlagača Čeljo Senada dobila je **7 glasova**,
6. Kandidatska lista predlagateljice Velić Edite dobila je **1 glas**,
7. Kandidatska lista predlagateljice Obuća Aide dobila je **0 glasova**,
8. Kandidatska lista predlagača Kanlić Muradifa dobila je **0 glasova**,
9. Kandidatska lista predlagača Liberalne stranke BiH dobila je **0 glasova**,
10. Kandidatska lista predlagača Musić Nijaza dobila je **8 glasova**.

### **Kandidatska lista iz reda hrvatskog naroda:**

1. Kandidacijska lista predlagatelja Fejzić Edima dobila je **1 glas**.

## Kandidatska lista iz reda srpskog naroda:


1. Kandidatska lista predlagača Liberalne stranke BiH dobila je **2 glasa**.

Imajući u vidu da su ispunjeni svi zakonski uvjeti za utvrđivanje rezultata izbora za delegate u Dom naroda Parlamenta Federacije Bosne i Hercegovine iz Skupštine Bosansko-podrinjskog kantona Goražde, Centralna izborna komisija Bosne i Hercegovine je, u skladu sa članom 2.9 stav (1) tačka 9, a u vezi sa članom 10.15 Izbornog zakona Bosne i Hercegovine, odlučila kao u dispozitivu ove odluke.

**Pravna pouka:** Protiv ove odluke u skladu sa članom 6.9 stav (1) i (2) Izbornog zakona Bosne i Hercegovine može se podnijeti žalba Apelacionom odjelu Suda Bosne i Hercegovine u roku od dva dana od dana prijema ove odluke, koja se dostavlja putem faks aparata.

Žalba se podnosi preko Centralne izborne komisije BiH i dostavlja se putem faks aparata, na broj: 033/ 251-329 ili neposredno u sjedištu Centralne izborne komisije BiH, ulica Danijela Ozme 7 Sarajevo.

Shodno Zaključku Centralne izborne komisije BiH, broj: 05-1-07-1-50/19 od 08.02.2019. godine, dani 09.02.2019. godine (subota) i 10.02.2019. godine (nedelja) u periodu od 08,00 do 16,00 sati su radni dani na protokolu Centralne izborne komisije BiH za potrebe podnošenja žalbi na ovu odluku.



Dostaviti:

1. Skupština Bosansko-podrinjskog kantona Goražde,
2. a/a.